



Republika e Kosovës
Republika Kosova
Republic of Kosovo



REPUBLIKA E KOSOVËS/REPUBLIKA KOSOVA/REPUBLIC OF KOSOVO
KUVENDI KOMUNAL/ASSEMBLY OF MUNICIPALITY/SKUPŠTINA OPŠTINE
SKENDERAJ

Nr. No. 01-060/01-0034329/24
Data Date 22.07.2024



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 28.06.2024, ora 10:00.

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i Kornizës Afatmesme të Buxhetit 2025-2027, dhe Raporti i Kryetarit të Komunës mbi ecurinë e dëgjimeve buxhetore për KAB-in, me Nr.04-052/01-0027698/24, i datës 13.06.2024, (Raporton drejtori i DBF-së, **z. Ismet Aliu**);
4. Propozim-vendim për miratimin e Draft-Statutit të Qendrës Kryesore të Mjekësisë Familjare në Skenderaj, me Nr.02-110/01-0027864/24, i datës 14.06.2024, (Raporton drejtoresha e DSHMS-së, **znj. Rrezarta Hasani-Ibrahimi**);
5. Propozim-vendim për miratimin e Draft-Planin Lokal për Transportin Rrugor 2024-2028, në Komunën e Skenderajt, me Nr.02.110/01-0027865/24, i datës 14.06.2024, (Raporton drejtori i DSHP-së, **z. Alban Shala**);
6. Propozim-vendim për miratimin e Draft-Rregullores Komunale për kushtet dhe mënyrat e Bllokimit dhe Zhvendosjes së Automjeteve me Automerimangë në Komunën e Skenderajt, me Nr.02.110/01-0027862/24, i datës 14.06.2024, (Raporton drejtori i DSHP-së, **z. Alban Shala**);
7. Propozim-vendim për miratimin e Draft-Planit të Veprimit për Punësimin e Personave me Aftësi të Kufizuar 2024-2027, në Komunën e Skenderajt, me Nr. 02-110/01-0027863/24, i datës 14.06.2024, (Raporton drejtoresha e DZHENIT-së, **znj. Besarta Meha-Ademi**);
8. Raport i Ndërmarrjes Komunale NPL, “Eko Natyra” SH.A. Skenderaj, për vitin 2023, me Nr.001-023/24-007, dt. 27.02.2024, (Raporton Aksionari i Ndërmarrjes **z.Behxhet Maliqi**);
Pikat shtesë:
9. Propozimi-vendimi, Për shpalljen “**Qytetar Nderi**” të Komunës së Skenderajt **z. Benito Mares**, Nr.02-170/02-0029548/24, të datës 27.06.2024, (Raporton Kryetari i Komunës, **z. Fadil Nura**);
10. Propozim-vendimi për rishpalljen e pronës, Pronë me Interes Publik, me Nr.02-463/01-0029523/24, te dt.27.06.2024, (Raporton drejtoresha e DGJKP-ës, **znj. Blerta Dobra-Geci**);
11. Raporti i ndërmarrjes së mbeturinave KRM “UNITETI” Mitrovicë, për vitin 2023, më Nr.01-052/01-0029321/24, të datës 26.06.2024, (Raporton, Aksionari i ndërmarrjes **z.Ruzhdi Koca**);
12. Pyetjet e këshilltarëve nën pikat të ndryshme.

Kryesuesja e Kuvendit, znj. Adelina Spahiu: I nderuar kryetar i komunës z. Fadil Nura, të nderuar anëtar të kuvendit, drejtor të drejtorive, shoqëri civile dhe gjithë ju të pranishëm, shkojmë në konstatime të kuorumit në sallë janë 28 anëtar, mungon me arsye Armir Sejdiu, Osman Smajli dhe Ragip Durmishi.

Para se të fillojmë me miratimin e rendit të ditës, i kemi tri pika shtesë për këtë mbledhje

1. Propozimi-vendimi, Për shpalljen “Qytetar Nderi” të Komunës së Skenderajt z. Benito Mares, Nr.02-170/02-0029548/24, të datës 27.06.2024,

2. Propozim-vendimi për rishpalljen e pronës, Pronë me Interes Publik, me Nr.02-463/01-0029523/24, të datës 27.06.2024,

3. Raporti i ndërmarrjes së mbeturinave KRM “UNITETI” Mitrovicë, për vitin 2023, më Nr.01-052/01-0029321/24, të datës 26.06.2024.

Shkojmë në votim për së cilën pikë, për futjen në rend dite:

-Konstatojmë me (26) vota për, (0) kundër dhe (2) abstenim, Propozimi-vendimi, Për shpalljen “Qytetar Nderi” të Komunës së Skenderajt z. Benito Mares, Nr.02-170/02-0029548/24, të datës 27.06.2024, futet si pikë shtesë, në rend dite.

-Konstatojmë me (17) vota për, (10) kundër dhe (0) abstenim, Propozim-vendimi për rishpalljen e pronës, Pronë me Interes Publik, me Nr.02-463/01-0029523/24, të datës 27.06.2024, futet si pikë shtesë, në rend dite.

-Konstatojmë me (17) vota për, (8) kundër dhe (0) abstenim, Raporti i ndërmarrjes së mbeturinave KRM “UNITETI” Mitrovicë, për vitin 2023, më Nr.01-052/01-0029321/24, të datës 26.06.2024, futet si pikë shtesë, në rend dite.

Shkojmë me miratimin e rendit ditës, e hap debatin, fjalën ja kaloj:

Musa Fazliu-IDEAL: Fjala përshëndetëse, nuk jam kundër pikës Për shpalljen “Qytetar Nderi” të Komunës së Skenderajt z. Benito Mares, po për dy pikat tjera që kish pas mundësi me i mbajt dy seanca në muaj së edhe ashtu po ka pika shume tash edhe pikat shtesë, po ashtu edhe me fillua mbledhja me kohe.

Hysni Mehani-VV: Fjala përshëndetëse, vazhdoj me qenë prapa kërkesës që me raportua drejtori i bujqësisë, po me qenë së ju e keni pranuar që ka keqpërdorime mundeni edhe mos me raportua. Pika që ka të bëjë me Unitetin për besë nuk është dashur me protokollua sepse nuk ka nënshkrim, sepse nuk dihet kush e ka adresua këtë raport, dhe nuk e di përse është bërë për ngutë, edhe jemi me tri pika shtesë, jemi jashtë çdo rregullore.

Kryesuesja; Fjalën ja kaloj:

Kryetari i Komunës, z. Fadil Nura: Fjala përshëndetëse, këtë çështje që e ngriti opozita që është argumentuese e përkrahi e përkrahi gjithmonë, dhe këtë raport të Unitetit edhe unë kisha propozua me kalua në seancën tjetër, po e shohë nuk ka nënshkrim dhe është protokollua pa nënshkrim, dhe nuk guxojmë kesi raporti me procedua, dhe e mbështeti kërkesën e z. Mehani dhe nëse ju pajtoni e kishim lan për seancën tjetër.

Kryesuesja; Fjalën ja kaloj:

Naser Bajraktari-IDEAL: Fjala përshëndetëse, edhe unë jam që këtë raport të Unitetit me kalua për seancën tjetër, për shkak së kompania e Unitetit është kompani regjionale, është një raport shume i cektë, ose nuk është asgjë, sepse kompania është me shume telashe me shume probleme, dhe është mirë me ardhur një përgjegjës me raportua këtu, sepse e ka obligim ligjor me raportua për çdo vite për punën.

Afrim Kabashi-NSD: Fjala përshëndetëse, edhe unë pajtona që këtë raport të Unitetit me kalua për seancën tjetër, për arsye së ka shume mangësi.

Kryesuesja: Atëherë me propozimin e kryetarit dhe të anëtareve Konstatojmë me (28) vota për, (0) kundër dhe (0) abstenim, Raporti i ndërmarrjes së mbeturinave KRM “UNITETI” Mitrovicë, për vitin 2023, largohet nga rend i ditës, dhe shtyhet për një seancë tjetër.

Kryesuesja; Vazhdojmë me miratimin e rendit ditës, konstatojmë me (17) vota për, (6) kundër dhe (2) abstenim, Miratohet Rendi i Ditës.

Vazhdojmë me piken 3 të rendit të ditës,

-Shqyrtimi i Kornizës Afatmesme të Buxhetit 2025-2027, dhe Raporti i Kryetarit të Komunës mbi ecurinë e dëgjimeve buxhetore për KAB-in, Nr.04-052/01-0027698/24, dt.13.06.2024, (Raportin); **Drejtori i DBF-së, Ismet Aliu;** Fjala përshëndetëse, para vetes e keni Kornizën Afatmesme të Buxhetit 2025-2027, një dokument që është hartuar nga ekzekutivi i komunës i udhëhequr nga kryetari i komunës, është një nder fazat preliminare drejtë hartimit të buxhetit final diku ka fundi i gushtit, baza e këtij dokumenti është në qarkoren e buxhetit 2025/01. Burimet e financimit të komunës janë të bazuara në ligjin për financa të pushtetit lokal duke u ndarë sipas kritereve; Grandi i përgjithshëm, për arsim, për shëndetësi, shërbimet rezidenciale, dhe të hyrat vetanake. Nëse i analizojmë burimet financiare për tri vite atëherë shohim se grandi i përgjithshëm është me i lartë prej 8.02%, grandi për arsim 3.97%, ndërsa me i ultë është grandi për shëndetësi për 0.94%, shërbimet rezidenciale janë te njëjta, ndërsa të hyrat vetanake janë 31.57%, nëse e analizojmë në total buxheti i komunës për vitin 2025 pritet të jetë 19,881,471.00€, në faqen 17 e keni tabelën e projekteve kapitale për tri vite. Krahas këtij dokumento kryetari i komunës ka mbajtur dëgjime buxhetore për këtë kornizë, 4 dëgjime buxhetore, në të cilën janë paraqitë kërkesat e qytetarëve nga të gjitha shtresat e ndryshme, dhe jemi mundua me i paraqit ato kërkesa sidomos në investime kapitale, kush ka pyetje jam këtu për përgjigje.

Kryesuesja; Fjalën ja kaloj, kryetarit mbi ecurinë e dëgjimeve buxhetore për KAB-in;

Kryetari i Komunës, Fadil Nura: Korniza Afatmesme e Buxhetit 2025-2027, është një dokument i cili e ruan brenda saj parandë buxhetore dhe ndarjen në kuptimin të vijave të trasha, ne i kemi mbajtur 4 dëgjime buxhetore me grupet e caktuara të interesit, përfshin edhe grupet e mëgjenjerizuare dhe e kemi përmbush një detyrim ligjorë sa i përket marrjes së të dhënave dhe kërkesave dhe nevojave e atyre grupeve të interesit. Kjo është vetëm kornizë, buxhetin për tri vite e ardhshëm e keni në shtatorë, ju ftojë të gjithëve të jepni kontribute në mënyrë që bashkërisht të plotësojmë.

Kryesuesja; E hap debatin, fjalën ja kaloj:

Kushtrim Dragaj-PDK: Fjala përshëndetëse, pasi që drejtori i urbanizmit nuk qenka këtu kisha pas dëshire një përgjigje rreth projektit, Vazhdimi i punimeve të kompleksi i UÇK-së objekti U-së, është planifikuar buxhet për vitin 2026, shuma 233,553.22€, dhe për vitin 2027, shuma 400,00.00€, kurse ne veç e kemi formua komisionin për shpërndarjen e banesave. Kurse të projekti Ç, dhe K, këto janë projekte të reja, po të shkronja U, që është vazhdim kisha dashtë një përgjigje, a është gabim teknik apo çfarë? Edhe të drejtorja e shëndetësisë, projekti Renovimi i QKMF-së (urgjencës), për vitin 2026, shuma 619,316.53, dhe 2027- shuma 619,316.53, a janë parapa krejt investimet në kuadër të drejtorisë apo është gabim teknik?

Besart Rrecaj-PDK: Fjala përshëndetëse, i kam tri pyetje, për projektet kapitale 2025-27, të projekti; Ndërtimi i zonave rekreative ne qytete, ne qytat besoj është gabim teknik shuma 40,000.00€ për vitin 2025, ndërsa shuma 150,000.00€ për vitin 2027, a mundesh me na tregua për çka bëhet fjalë? Të projekti, Vendosja e një billboardi shuma 20,000.00€ po me doket pak shume e lartë për mendimin tim? Dhe projekti Unaza e brendshme 3 krahu ka Llausha, për vitin 2025 shuma 324,047.50€, përse u ndërpre për vitin 2026 dhe për vitin 2027 shuma 100,000.00€? Dhe e kam një kërkesë për fshatin Llaushë e kam parashtrua edhe vitin e kaluar, për një trotuar të shtohet në këtë listë të projekteve për rrugën Ramiz Haziri, Llaushë, dhe besoj që kjo kërkesë të merret parasysh.

Hysni Mehani-LVV: Kjo veç kornizë nuk është, korniza i parashih vijat e trasha qysh planifikohet buxheti, nëse hina të drejtorit, isha interesua me pa drejtorin e njohur të dallaveve, nuk e jep as një specifik së çka ka me bë, e ka një faqe raport. Drejtor i kam disa çështje të projektet kapitale si; Dron me pajisje përcjellës, shuma 6,000.00€, për çka na duhet ky dron dhe në shërbim

të kujt shkon? E pash që është e planifikuar punëtore shtesë për çerdhe, e di që ministria e arsimit ka deklaruar së ka buxhet të mjaftueshëm për çerdhe po duhet me ardhur kërkesa prej komune, me u nda parcela, e di që është Polaci i planifikuar dhe nuk e pash të investimet kapitale, e di që i ka shkua kërkesa për Rezallë. Sa çerdhe janë parapa ose do të funksionalizohen në te ardhmen, apo vetëm këto dyja që i kenë gjete e nuk po mundeni me tjera? Dhe qysh planifikohet rregullimi i transportit publik, sepse nuk ka një kod buxhetor, që fillon me subvencionua edhe transportin publik së besoj që gjitha qytetet e kanë prioritet p.sh si Prishtina?

Kryesuesja: Fjalën ja kaloj:

Kryetari i Komunës, Fadil Nura: Të projekti i objektit të dëshmorëve jemi orientua me bë çmos me fillua edhe objektin e dytë, sigurisht këtë projekt planifikojmë me filluam me reduktua në formë kaskadave me i shkurtua dhe do të kërkojmë nga qeveria dhe donatorët tjerë që me fillua vitin e ardhshëm objektin e dytë. Të projekti ndërtimi i zonave rekreative kemi disa ide në Runik p.sh me bë një lagje, të lagjja rekreative që ka ekspert që na kanë prezantua, sepse Runiku është pjesë e thesarit arkeologjik dhe kjo është e parapamë vitin 2026-27, po nuk është stërkite mund ndryshohet dhe mos e merrni gjithçka të përfunduar në KAB. Të projekti i trotuarit kjo është kërkesë e mirëseardhur, ti shohim mundësit buxhetore. Të kualifikimi, duhet me qenë shume ekspert me thanë veç kornizë nuk është, pa as një ditë përvojë punë në fushën e financave në institucione publike. Në fillim të mandatit kemi dërguar kërkesa për çerdhe për çdo BL, ku e kemi pa të nevojshme, me dokumente të pronësisë dhe ende nuk kemi përgjigje nga ministria dhe në kuadër të kësaj e kemi parapa rritje të stafit. Transporti publik në Skenderaj nuk krahasohet me Prishtinën sepse Prishtina e ka një ligj të veçantë së ka kompetencë dy fish sa komuna jon, dhe Prishtina transportin publik e ka të rregulluar me ndërmarrje publike, dhe ne nuk mundem me i subvencionua firmat private të qarkullimit rrugorë. Droni është kërkesë e zyrës për informim, që do të jetë aset i komunës dhe do të jetë në funksion të prezantimeve të çdo eventi që bëhet për faqe të komunës.

Drejtori i DBF-së, Ismet Aliu: KAB-i, është një dokument drejt hartimit të buxhetit final, dhe do të kaloj edhe dy faza tjera deri sa të kaloj për aprovim në shtator. Në faqen 17 e kam strukturuar buxhetin dhe mundeni me pa saktë si do të jetë buxheti në përqindje po edhe në kufirin ekzistues të marr nga qarkorja buxhetore 2025/01, në kufirin përfundimtar 19,881,471€, dhe nuk besoj që do të ketë ndryshime sa i përket kufirit përfundimtar, po do të ketë ndryshime neper kategori ekonomike. Për projekte kapitale së cili drejtor i drejtorive e ka pas kërkesën e vetë rreth projekteve kapitale, dhe KAB-i e definojnë rreth 90% të pjesës së shpenzimeve kapitale e të gjitha kategorive. KAB-i është një dokument që ka me u dorëzua në ministri dhe ka me u analizua. Sa i përket çerdheve ne e marrim grandin specifik për arsim dhe ky grand vjen prej numrit të nxënësve, dhe kemi zvogëlim të numrit të nxënësve i kemi 343 nxënës me pak, po grandin e kemi rritë 3.97%, në grandin për arsim nuk janë parapa mjete shtesë me përjashtim prej 56,518.00€, na kanë qitë për projekte kapitale për arsim për vitet në vijim, ne i kemi shtua edhe 100,000.00€ që drejtorja e arsimit ti ketë për projekt.

Drejtoresha e DSHMS-së, Rrezarta Hasani-Ibrahimi: Sa i përket pyetjes së Kushttrimit ke plotësisht drejt, qenka një gabim teknik gjatë përpilimit të KAB-it, të renovimi të QKMF-ve planifikohen veç 15,000.00€ për vitin 2025, ndërsa për vitet tjera është gabim teknik. Edhe të furnizimi me pajisje mjekësore për vitin 2025 shuma 25,534.00€, për vitin 2026 shuma 25,000.00€ dhe për vitin 2027 shuma 50,000.00€.

Kryesuesja: Fjalën ja kaloj:

Liridona Koci-PDK: Fjala përshëndetëse, pyetje për drejtorin e urbanizmit, a mundesh ma detajishte me na tregua kur do të fillojë riparimi-asfaltimi i rrugëve në Polac se tash dy vite janë të trasuar dhe nuk po vazhdojnë, po ashtu edhe për kanalizim, ku dihet së ka pas disa probleme

pikërisht të lagjja Veliu, po tash ato probleme janë të zgjidhura, dhe ekzistojnë edhe disa lagje tjera që kanë probleme me kanalizim po nuk janë të riparuar dhe në çdo kornizë ka qenë vetëm vazhdimësi, kur do të fillojnë këto drejtor? I kam disa pyetje për drejtorin e arsimit po me qenë së nuk është këtu po i tërhiqi, po vazhdoj vetëm me një pyetje për kryetarin A ekziston ndonjë mundësi që komuna të marr përsipër transportin për nxënësit neper fshatra deri në shkollë, për arsye mos boshatisjes së fshatrave?

Besart Rrecaj-PDK: Sa i përket buxhetin për vitin e ardhshëm 19,881,471.00€, a është marr parasysh që kur dalin rezultatet e popullsisë, dhe numri i banorëve ndoshta bie, bien edhe buxheti që vjen prej nivelit qendror, a është marr parasysh ky faktor?

Hysni Mehani-LVV: Subvencionimin e transportit mundeni me bë edhe të kompanitë private, ku e merr për sipër një pjesë të pagesës. Kur keni ardhur në pushtet i keni gjete dy çerdhe tu u ndërtua, një të shkolla Anton Çeta që e keni ndalua punimet, nëse është fajtores ministria për ndaljen e punimeve, që nuk është e vërtet, çka po ndodh me çerdhen të shkolla Shaban Jashari kush po e pengon atë, kush ja rrënoj oborrit asaj çerdhe? Unë e di që për çerdhen në Polac është miratuar dhe është në proces, po përse nuk po fillon duhesh me na tregu, po pa tendenca?

Ilir Ejupi-IDEAL: Fjala përshëndetëse, pyetje për DU, të projektet për BL, të Çirezit, Polacit, është projekti i rrugës Dashec-Polac, dhe projekti i rezervarit në Brus, a keni parapa mjete për këto dy projekte,

Kryesuesja: Fjalën ja kaloj:

Kryetari i Komunës, Fadil Nura: Liridona pagesën për transportin për nxënës jemi tu e bë, po ekziston një UA, që e përcakton distancën prej 5km që e kemi obligim, që kapacitetet buxhetore i kemi të limituar, dhe nuk mundem një fshat po, e një fshat jo, dhe me pas mundësi skish pas problem, dhe nuk është ky problemi i boshatisjeve të fshatrave janë disa probleme tjera. Të kanalizimi e kemi nënshkruar një kontratë dhe shume shpejt kemi me fillua, edhe degëzimet e rrugëve i kemi fillua në Klinë dhe pastaj kemi me fillua në Polac. Çerdhja të shkolla Anton Çeta, ka qenë projekt i dështuar, kur jemi ardhur për atë projekt kanë shkua në suficit 50mijë €, sepse organi mbikëqyrës dhe kontraktuesi nuk kanë mundur me nënshkrua sepse ka qenë një projekt i keq, nuk e kam akuzuar askënd, po ketë ma kanë thënë ekspertet. Çerdhja të shkolla Shaban Jashari, është financuar nga fondet e BE-së përmes ministrisë, i kemi rregullua ato lëshime, kemi bë kërkesë për rritjen e stafit, dhe projektin e ka vonua vet BE-ja, dhe me 1 shtator kemi planifikuar me fillua. Sa i përket kërkesave për çerdhe i kemi dërgua në ministri për çerdhe për Polac, Çirez, Likoc, Runik me krejt dokumentacionet përcjellëse, dhe të Polaci, na ka kthye së një pjesë e oborrit të shkollës ish në pronësi të agjensionit të pylltarisë dhe pa pëlqim të ministrisë nuk ta japin të drejtën e ndërtimit në atë pronë. Projekti i rrugës Dashec-Polac, mundësin e parë që e kemi do të fillojmë, po aj projekt kushton shumë. Sa i përket rezervarit në Brus aj projekt është hejë nga qeveria dhe aj projekt e zgjedh problemin me ujë të gjithë qytetarëve të komunës ton.

Kryesuesja: Fjalën ja kaloj:

Floriana Halili-LVV: Drejtor e pash së një projekt Trotuar dhe ndriçim në BL, Runik, a mundesh konkretisht në cilat vende në Runik, sepse në qendër në Runik nuk ka pas nevojë me i ndërrua kockat, e ja keni dhënë bashpartiakut të juaj, dhe nuk është normale, a ka pas procedurë qysh kanë funksionuar këto? Dhe a është në planifikuar të buxhetit rregullimi i rruga Ejup Halili, në Kosterc?

Abdulla Gashi-IDEAL: Pyetje për DU, sa i përket projekteve kapitale, në seancat e kaluara kam kërkuar që të futen në plan fshati Mikushnic, fshatin Marinë, fshatin Polac për rrjetë të kanalizimit?

Afrim Kabashi-NSD: Unë kam pas shume me diskutua, po masi që shumica e kolegëve i parashtruan ato kërkesa unë e kam një pyetje për drejtorin e bujqësisë, A keni parapa diçka për trajtimin e qenve endacak, të cilët janë shume aktiv si në fshatra po ashtu edhe në qytet?

Arjeta Rama-PDK: Fjala përshëndetëse, pyetje për DSHMS-së, drejtoresh si ti ndihmojmë nenat lehona a behet fjalë për një shume të caktuar që e keni përmend me herët apo është një lloje ndihme tjetër? Për DUMA-së, drejtor rruga Magjistrale Skenderaj-Mitrovicë, konkretisht të rrethi të Klina e Poshtme mungon ndriçimi publik, e di që është kompetencë e ministrisë, po a jeni interesuar për me rregullua atë ndriçim, për arsye së qytetaret po ankohen?

Kryesuesja: Fjalën ja kaloj:

Drejtori i DBF-së, Ismet Aliu: Sa i përket dronit ka qenë kërkesë e zyrës së kryetarit, për aktivitetet e komunës. Sa i përket numrit të popullsisë kriter numër një për ndarjen e buxhetit për nivelin lokal është 89% ndahet për numër të popullsisë dhe për vitin tjetër e kemi përfituar buxhetin, prej numrit të vjetër të vitit 2011, dhe në qarkoren buxhetore na kanë thënë nëse ka ndryshime të numrit të popullsisë, buxheti deri në shtator mundet të pësoj ndryshime, po edhe nëse pëson ndryshime unë sipas analizës që dalin, po shpresoj që grandit i përgjithshëm nuk ka me pas ndryshime, nuk ka me pas zvogëlim sepse mënyra proporcionalë prape ndahen me 89% me përjashtim të komunave që kanë rritje të popullsisë.

Drejtori i DUMA-së, Ylber Morina: Liridona ne e kemi kontratën për zhvillimin e projekteve që janë diku 6 fshatra në kuadër të atyre është edhe fshati Polac diku 1500 metra asfalt, , kanë me fillua pas përfundimit në Klinë. Floriana është një projekt në zhvillim të sipër në bashkëpunim me ministrin edhe komunën në bashkëfinancim, dhe e përfshin edhe atë pjesë. Në fshatin Polac është nënshkrua një kontratë dhe ka mu realizua në kuadër të atij projekti ato probleme të kanalizimit. Në fshatin Marinë dhe Mikushnic nuk ka projekt për kanalizim. Edhe për trotuar në Runik është bërë një ndryshim është një problem me ministrin e kulturës dhe po duhet me bërë revidimin e projektit të subqendres dhe në kuadër të saj ka me pas ndryshime në trotuar, po janë në kuadër të subqendres. Arjeta e kemi një projekt për ndriçim veç ka filluar në qytetin e Skenderajt dhe do të filloj në të fshatrat e komunës së Skenderajt ku ka nevojë, po besoj që edhe ajo pjesë ka me përfundua.

Drejtori i DBPZHR-së, Behxhet Maliqi: Afrim trajtimi i qeneve endacak është bërë me strategjinë e fundit që e ka bërë qeveria dhe në kuadër të kësaj strategjie gjitha kompetencat, ja ka kaluar komunave, për shkak së kur ka me pagua i kalon kompetencat, kur s'ka me marr i jep. Problemin me të madh e kemi me sjelljen e qeneve endacak, dhe nuk po arrimë me i identifikua personat që po i sjellin në komunën tonë, dhe është e dyshimtë së ka prurje edhe prej jashtë Kosovës. Brenda mundësive tona ne i kemi trajtua në kuadër të mallrave dhe shërbimeve, e kemi një marrëveshje me një organizatë zviceranë e cila parashihet trajtimin, sterilizimin, pastrimin e qeneve endacak, mirëpo për mendimin tim kjo nuk mjafton me bërë uljen e qeneve endacak, për shkak së me të madhe janë tu ardhur qen, dhe nuk po mundem me ditë saktë kush po i sjell.

Drejtoresha e DSHMS-së, Rrezarta Hasani-Ibrahimi: Arjeta, komuna e Skenderajt do të vazhdoj subvencionimin me mjete financiare për gjitha lehonat vlera do të jetë 200€, kjo do të vazhdoj edhe në vitin 2025.

Kryesuesja: Fjalën ja kaloj:

Naser Bajraktari-IDEAL: Drejtor po me vjen mirë që po doni me rregullua degëzimin e kanalizimit në BL-Klinës së Epërme, po që një vite një bager është në ara, e punët s'po kryhen, e kem dashtë me ja qitë do naftë e me hekë prej rruge.

Sala Jashari-PDK: Fjala përshëndetëse, për të përmësuar mjedisin shkollor dhe shëndetin e nxënësve sugjeroj që në KAB, në arsim të përfshihet investim për përmisimin e higjienës neper shkolla, konkretisht propozoj alokimin e fondeve për pajisje me material higjienik si; sapun, letra higjienikë dhe dezinfektues, kontrolle të cilësisë të higjienës, kryerja e inspektimeve të rregullta, për monitoruara cilësinë e higjienës dhe për identifikuar dhe adresuara problemet e mundshme, gjithashtu edukimi mbi higjienën, organizimi i programeve edukative për nxënës dhe rëndësia e

higjienës personalë dhe ruajtja e pastërtisë në ambiente shkollore, investimi në këto fusha do të përmisoj jo vetëm shëndetin fizik të nxënësve po mjedisin e përgjithshëm të të mësuarve duke krijuar kushte me të mira për zhvillimin e tyre edukativo dhe personale. Me qenë së drejtori i arsimit nuk qenka këtu, po e shfrytëzoj rastin të jetë një lloje propozimi për raportin e fundit.

Kryesuesja: Fjalën ja kaloj:

Kryetari i Komunës, Fadil Nura: Naser keq ish kanë mos me qenë bageri hiq, e aty nuk kemi gjete as bager, kemi gjete veç ujëra të zeza, dhe me sa e di në Klinë të epërme i kemi bë disa punë të mira, po ka ende nevojë, po problemi është të kapacitetet buxhetore. Sala të higjiena në shkolla e ke bë një sugjerim jashtëzakonisht të mirë, dhe programi higjienik në shkolla, dhe jemi tu përpjekë me i furnizua me higjienë shkollat, po pajtona nuk është gjendja e kënaqshme me higjienë.

Kryesuesja: Fjalën ja kaloj:

Naser Bajraktari-IDEAL: Kryetar që tri vite e keni marr pushtetin, tregona veç një punë që e keni bë në Klinë të Epërme? E keni bë një Poligon Sportiv, të cilët nuk i lejohet fëmijëve me lozë në atë poligon, nëse nuk beson që ku e ke Miradijen, pyete, nipat e saj a i lejohen me hy në atë fushë? E keni bë një projekte për zgjerimin e lumit kur jeni ardhur të shpija e Enverit e keni ndërpre dhe keni dalë të rruga për Kuqicë, së nuk mundeni aty me zgjerua lumin së i keni jaranet e juve.

Kryesuesja: Fjalën ja kaloj:

Kryetari i Komunës, Fadil Nura: Në Klinë të epërm e kemi bë trajtimin e lumit prej Kuqice deri në Llaushë, kemi pas probleme pronësore dhe nuk mundemi me i zgjedhë pa shpronësim, subqendren në Klinë kemi me fillua, ndriçimin publik kemi me fillua, kanalizimin.

Kryesuesja: Dikush tjetër, nëse nuk ka, konstatojmë me (17) vota për, (0) kundër dhe (0) abstenim miratohet Shqyrtimi i Kornizës Afatmesme të Buxhetit 2025-2027, dhe Raporti i Kryetarit të Komunës mbi ecurinë e dëgjimeve buxhetore për KAB-in,

Vazhdojmë me piken 4 të rendit të ditës,

-Propozim-vendim për miratimin e Draft-Statutit të Qendrës Kryesore të Mjekësisë Familjare në Skenderaj, me Nr.02-110/01-0027864/24, i datës 14.06.2024, (Raporton);

Drejtoresha e DSHMS-së, Rrezarta Hasani-Ibrahimi; Fjala përshëndetëse, më kërkesë të ministrisë së shëndetësisë gjitha institutet të kujdesit parësor shëndetësor të cilët nuk e kanë të aprovuar formën unike të statutit të QKMF-së do ta aprovonjë edhe një herë sa ma shpejtë, andaj me vendim të kryetarit është formuar grupi punues, dhe në mënyrë profesionale ka punuar, e kemi mbajte diskutimin publik, materialin e keni pas me kohe, kush ka pyetje jam këtu për përgjigje.

Kryesuesja; E hap debatin, fjalën ja kaloj

Ali Lutfiu-PDK: Fjala përshëndetëse, desha me u ndërlihd të neni 14 pika 2.1, të përzgjedhja e drejtorit ku thotë; të jetë specialist nga mjekësia familjare ose në rast mungese mjek specialist nga lemija të tjera. Kjo pikë faktikisht na kushtëzon zgjedhjen e një menaxheri të mirë duke i dhënë përparësi specialistit nga mjekësia familjare dhe qëllimi im është që të jetë menaxher i mirë, që ka mundësi me ndërhy këtu të kjo pikë?

Hysni Mehani-LVV: Nuk e di a jemi n 'tokë të bukës a s'jemi, po me sa e di emri i Ali Lutfiut është në komision për përpilimin e statusit të QKMF-së, d.m.th. një anëtar i komisionit që ka pas me bë draftin po tregon së nuk ka qenë pjesë e saj, po ti duhesh me qenë pjesë e kësaj, me ide me propozime, po nëse nuk janë marr parasysh këto, ish kanë dashtë me i thanë m 'falni nuk janë marr parasysh propozimet e mija për këtë draft. Drejtoresh e kam një pyetje, ne e kemi miratuar një draft të QKMF-së që i kemi rregulluar disa interesa të caktuar brenda QKMF-së atëherë, po çka rregullon tash ky draft statut i QKMF, tash, në raport me statutin e vjetër?

Iir Ejupi-IDEAL: Edhe unë pak a shume e kam të njëjtën çështje qysh e pat Alija, mirëpo kërkoj saktësisht së për cilat arsye ministria e ka kthye statutin që është miratuar me herët në këtë kuvend,

dhe a e parashihni mundësin që ministria ka me ja kthye të kundërligjshëm për shkak të nenit që e parashtrij Alija nenit 14 pika 2.1, që mundet me ra në kundërshtim me UA, nr. 04/2020, dhe me statutin unik që e ka bërë ministria e shëndetësisë.

Kryesuesja: Fjalën ja kaloj:

Kryetari i Komunës, Fadil Nura: Po e shohë që ka paqartësi, nuk është ku statut që është kthye, po e kemi bërë ndryshimin me statutin unik që na ka obliguar ministria e shëndetësisë me bërë një statute unik për krejt komunat e Kosovës. Po edhe nëse është anëtar i komisionit nuk do me thanë, mos me bërë pyetje me lyp sqarime, sepse të qenurit anëtar i komisionit nuk je organ vendimmarrës, anëtarët e përgatitin vetëm në kuptimin formal. Edhe unë jam që menaxhmenti i QKMF-së me kanë jo vetëm specialist i mjekësisë familjare po edhe i fushave tjera të mjekësisë.

Drejtoresha e DSHMS-së, Rrezarta Hasani-Ibrahimi: Ne masi e kemi përpiluar draftin je kemi dërguar ministrisë për konfirmim, ministria na ka dërgua se gjithçka është në rregull, dhe ne pastaj e kemi sjell për votim në kuvend.

Kryesuesja: Fjalën ja kaloj:

Ali Lutfiu-PDK: Fatkeqësisht nuk kam pajtua dhe nuk pajtohem apër, se nuk ka rendësi së çfarë mjeku është, vetëm me kanë menaxher i mirë, në udhëheqje të QKMF-së.

Kryesuesja: Dikush tjetër, nëse nuk ka, konstatojmë me (17) vota për, (6) kundër dhe (0) abstenim miratohet Propozim-vendim për miratimin e Draft-Statutit të Qendrës Kryesore të Mjekësisë Familjare në Skenderaj.

Vazhdojmë me piken 5 të rendit të ditës,

-Propozim-vendim për miratimin e Draft-Planin Lokal për Transportin Rrugor 2024-2028, në Komunën e Skenderajt, me Nr.02.110/01-0027865/24, i datës 14.06.2024, (Raporton

Drejtori i DSHP-së, Alban Shala; Fjala përshëndetëse, në këtë pikë kemi të bëjë me Draft-Planin Lokal për Transportin Rrugor 2024-2028, në Komunën e Skenderajt, me vendim të kryetarit është formua grupi punues, për hartimin e këtij plani, është mbajtur diskutimi publik me datën 20.05.2024, materialin e keni pas me kohe kush ka pyetje jam këtu për përgjigje.

Kryesuesja; E hap debatin, fjalën ja kaloj;

Mentor Mehmeti-PDK: Drejtor e kemi diskutua edhe në KPF, rreth transportit publik, ku as një transport publik nuk ka qasje për personat me aftësi të kufizuar, unë e kam shikuar pak ligjin për qasje të barabartë, dhe a kishe mundur diqysh me a kushtëzua një kompanie, që të kemi një taksë për personat me aftësi të kufizuar, të përgëzoj për planin, dhe besoj që keni me pas mirëkuptim për këtë punë.

Hysni Mehani-LVV: Të objektivi i rritjes së sigurisë në trafik është ndërtimi i tregut të gjelbër në qytet, drejtor a po me tregon qysh e rritë sigurinë në trafik, ndërtimi i tregut të gjelbër në qytete? Të infrastruktura e transportit, transporti i njerëzve dhe i mallrave në territorin e komunës së Skenderajt bëhet përmes transportit rrugorë dhe hekurudhorë, drejtor ku i kemi këto hekurudha që i transportojmë njerëz e mallrat? Me ju pas qasë me ma seriozitet veç dy orë, seriozisht ky draft ish dal me ma mirë, përveç mos me pas gabime, së ne teren nuk ka me ndryshua asgjë.

Kryesuesja: Fjalën ja kaloj:

Drejtori i DSHP-së, Alban Shala; Sa i përket çështjes tende Mentor, kemi me u ulë me bisedua dhe kemi me u mundua me zgjedh atë çështje, sa i përket transportit për persona me aftësi të kufizuar. Sa i përket gabimeve teknike, grupit punues i ka ik aj lëshim, dhe kemi me i rregullua.

Kryesuesja: Dikush tjetër, nëse nuk ka, konstatojmë me (16) vota për, (10) kundër dhe (0) abstenim miratohet Propozim-vendim për miratimin e Draft-Planin Lokal për Transportin Rrugor 2024-2028, në Komunën e Skenderajt.

Vazhdojmë me piken 6 të rendit të ditës,

-Propozim-vendim për miratimin e Draft-Rregullores Komunale për kushtet dhe mënyrat e Bllokimit dhe Zhvendosjes së Automjeteve me Automerimangë në Komunën e Skenderajt, me Nr.02.110/01-0027862/24, i datës 14.06.2024, (Raporton);

Drejtori i DSHP-së, Alban Shala; Fjala përshëndetëse, në këtë pikë kemi të bëjë Draft-Rregullores Komunale për kushtet dhe mënyrat e Bllokimit dhe Zhvendosjes së Automjeteve me Automerimangë në Komunën e Skenderajt, është mbajtur diskutimi publik, materialin e keni pas me kohe kush ka pyetje jam këtu për përgjigje.

Kryesuesja; E hap debatin, fjalën ja kaloj;

Abdulla Gashi-IDEAL: Drejtor a e keni parapa së ku do ti parkoni ato vetura, perse nuk e keni parapa ndërtimin e parkingut në mënyrë që qytetaret të kenë ku ti parkojnë veturat, a e keni parapa fluksin e madh që behet gjatë verës nga mërgimtarët së ku do ti parkojnë veturat, dhe i vetmi parking që duhet me u krenua komuna është parkingu nga qeverisja e kaluar e Bekim Jasharit. Sa i përket gjobave për një veturë që konfiskohet nga merimanga, sa do të jetë gjoba për një veturë?

Musa Fazliu-IDEAL: Kompania si do ta fitoj këtë tender, dhe si do të jetë çmimi, ku do të jetë vendi, që grumbullohen këto vetura, dhe a do të jetë në pronë të komunës?

Afrim Kabashi-NSD: Drejtor, a do të jetë e zbatueshme para a pasi të vinë mërgimtarët, kjo rregullore? Edhe a kish pas mundësi me marrë në zbatim kompania Eko Natyra këtë çështje, që vetëm e kishim forcua kompaninë?

Kryesuesja: Fjalën ja kaloj;

Drejtori i DSHP-së, Alban Shala; Qyteti i Skenderajt është mjaftë mirë i organizuar sa i përket çështjes së parkingut. Kjo rregullore u bë me kërkesë të policisë së Kosovës, dhe në rregullore janë kushtet e ushtrimi të veprimtarisë për zhvendosjen e automjeteve në nenin 4, dhe në formë ankandë ka me shkua procedura e përzgjedhjes së kompanisë. Kjo rregullore hyn në fuqi pas sezonit të diasporës, e arsyeshme dhe me venë me ja ofrua këtë shërbim kompanisë Eko Natyra po duhet me shikua e me bisedua për këtë çështje.

Kryesuesja: Fjalën ja kaloj;

Hysni Mehani-LVV: Drejtor unë e kam lexuar rregulloren dhe besoj që është e aplikueshme, ti po thua hynë në fuqi pasi të shkon diaspora, po neni 23 thotë; kjo rregullore hynë në fuqi ditën e miratimit nga kuvendi komunal, ose ndryshone këtë, ose sipas saj rregullorja sot hynë në fuqi, si të miratohet, dhe ju lutem mos bëni kësi gabime, së nuk po mundem pa reagua.

Kryesuesja: Fjalën ja kaloj;

Drejtori i DSHP-së, Alban Shala; E vërtetë që hynë në fuqi pas miratimit në kuvend ne fillojmë me zbatua, po afati për procedurat në prokurim nuk e di sa na marrin kohe, dhe rregullorja ka me shkua edhe në ministri deri të kthehet ligjshmëria.

Kryesuesja: Dikush tjetër, nëse nuk ka, konstatojmë me (16) vota për, (8) kundër dhe (1) abstenim miratohet Propozim-vendim për miratimin e Draft-Rregullores Komunale për kushtet dhe mënyrat e Bllokimit dhe Zhvendosjes së Automjeteve me Automerimangë në Komunën e Skenderajt.

Vazhdojmë me piken 7 të rendit të ditës;

-Propozim-vendim për miratimin e Draft-Planit të Veprimit për Punësimin e Personave me Aftësi të Kufizuar 2024-2027, në Komunën e Skenderajt, me Nr. 02-110/01-0027863/24, i datës 14.06.2024, (Raporton);

Drejtoresha e DZHENIT-së, Besarta Meha-Ademi; Fjala përshëndetëse, para vetes e keni Planit të veprimit për punësimin e peronave me aftësi të kufizuar në komunën e Skenderajt 2024-2027, ky planë është punuar nga Handikos dhe u mbështet nga disa drejtori komunale dhe një numër të organizatave të shoqërisë civile, është financuar nga UNDP, dhe komuna e Skenderajt, materialin e keni pas me kohe, jam këtu për çdo përgjigje.

Kryesuesja; E hap debatin, fjalën ja kaloj

Afrim Kabashi-NSD: E kam një propozim që ky plan me u zbatua, mos me mbet vetëm një dokument i miratuar, po me i përkrah këta persona.

Kryesuesja: Dikush tjetër, nëse nuk ka, fjalën ja kaloj:

Drejtoresha e DZHENIT-së, Besarta Meha-Ademi; Bazuar në një plan që tash i ka skaduar afati, në vitin e parë që e kemi marr mandatin i kemi mbështet me grande 7 persona me aftësi të kufizuar të cilët edhe kanë hapur biznese të tyre, si dhe 3 janë punësuar në kompani të ndryshme.

Kryesuesja: Dikush tjetër, nëse nuk ka, konstatojmë me (18) vota për, (7) kundër dhe (0) abstenim miratohet Propozim-vendim për miratimin e Draft-Planit të Veprimit për Punësimin e Personave me Aftësi të Kufizuar 2024-2027, në Komunën e Skenderajt.

Vazhdojmë me piken 8 të rendit të ditës

-Raport i Ndërmarrjes Komunale NPL, “Eko Natyra” SH.A. Skenderaj, për vitin 2023, me Nr.001-023/24-007, dt. 27.02.2024, (Raporton);

Aksionari i Ndërmarrjes Behxhet Maliqi; Fjala përshëndetëse, unë dua ti falënderoj punëtorët e Eko natyrës për një punë të jashtëzakonshme që janë tu e bë, gjithashtu e falënderoj edhe bordin e drejtorëve për përkushtimin në zbatimin e planit të biznesit, po edhe menaxhmentin. Kompania Eko natyra fokusohet në pastrimin e objekteve brenda dhe mirëmbajtjen e ambientit publik jashtë, si sheshin Adem Jashari, oborrin e kulturës, oborrin e QKMF-së, oborrin e komunës, parqet dhe hapësirat tjera publike, materialin e keni pas me kohe para veti, kush ka pyetje jam këtu.

Kryesuesja; E hap debatin, fjalën ja kaloj:

Naser Bajraktari-IDEAL: Aksionari i Eko-Natyrës apët ka fillua mire pas tri vite, po është dashur me i sjellë edhe dy raporte tjera tash me ardhur raporti i tret, po si do qoftë ma mirë vonë së kurrë. Drejtor unë kam dëshmi që ende qëndrojnë anëtarët e bordit që nuk i keni ndërrua nga ARBK-ja, ju në vitin 2023 i keni pas anëtarët e bordit jashtëligjshëm që nuk kanë pas të drejtë, dhe në vitin 2023 ti i ke ndërrua emrat e anëtarëve të bordit të cilët nuk kanë qenë në vitin 2023, po janë në vitin 2024, që ju keni shpallë konkurse me datë 14.11.2023 dhe punën e kanë filluar në janar, dhe këta dy anëtar nuk kanë qenë në vitin 2023 në bord. Ti e ke sjell një raport shume të shkurtë, për gjithë ata punëtorë që punojnë, po menaxhimin e kanë të dobët. -Përse nuk e keni bërë plotësim ndryshimin e statutit të ndërmarrjes dhe në sistemin ARBK- që tri vite? -Cilat janë vendimet e marra për këto tri vite nga ju si aksionar? -A keni bërë auditim të ndërmarrjes për çdo vite, dhe cili është vlerësimi i auditorit, nëse keni bë, se ju e kishit vlerësua shumë mirë me 95% të punëve të kryera? -Cilat janë kontratat me komunën dhe cila drejtori i paguan shërbimet? -Sa janë të hyrat mujore nga kontratat dhe të hyrat nga parkingu publik? -Cilat janë pagesat e bordit të shefit dhe të gjithë punëtorëve, përse nuk e keni sjell një listë për këto pagesa? Dhe kërkoj nga ky kuvend një auditim të kësaj ndërmarrje për tri vite, të shohim së ku është e ku gjendet kjo ndërmarrje për tri vite. Edhe unë në disa seanca kam thënë së ma mirë është me u nda prej Uniteti, dhe kurrë nuk kishim than perse jemi nda, sepse Vushtrria kompaninë e vet e ka formua ne atë vite kur e kemi formua ne edhe është nda dhe shumë mirë po i shkojnë punët. Dhe nuk po e shohë që e ke punua një raporte të sinqertë dhe kretibil që duhet të dokumentohet.

Hysni Mehani-LVV: Përveç atyre që i tha Naseri që kanë të bëjë me mangësitë në raportim, po me bënë përshtypje ky që koka kryeshef thotë që i referohet punës tina ai plan i biznesit për vitin 2023, besoj që plani i biznesit edhe kompania çfarë është kjo dallojnë, sepse plani i biznesit është një raport fitimi, kompania Eko-natyra është kompani që ofron shërbime e nuk e ka në thelb fitimin. Po ne e kemi një kryeshef që i ka bë njo tri paragrafë-fjali që nuk e dinë çka donë e çka thotë, po përtej raportit ajo çka është shqetësuese e që ne si këshilltar komunal ish kanë dashtë me ngritë është kjo çka po e citoj; Kemi punuar në kushte minimale të punës, pa kushte teknike të

sigurisë dhe ndriçimit si dhe pa ngrohje në sezonin e dimrit. Kjo do duhej me qenë aj alarmi për ne si këshilltar komunal, sepse këtu kemi të bëjë me shkeljen e të drejtat e njeriut së krijimi i kushteve të punës është obligim ligjor dhe ne jemi institucion që e kemi votua Eko-natyrën në këtë kuvend, kjo do duhej me qenë çështja kryesore përtej atyre raportimeve.

Kryesuesja; Fjalën ja kaloj;

Aksionari i Ndërmarrjes Behxhet Maliqi; Mos ndërrimi i anëtarëve të bordit ka ndodh për shkak të disa natyrave të aspektit burokratikë nuk ka ndodhur deri me sot, dhe ndërmarrja është tu u përball në aspektin ligjor me agjensioni e regjistrimin e bizneseve për mos këtë ndërrim, dhe besoj që është në të drejtën e ndërmarrjes vendimi, dhe u mbete në kompetencën e tyre me bë këtë ndryshim, sepse ne i kemi bë ndryshimet. Plotësim ndryshimi i statusit të ndërmarrjes nuk mendoj që është e nevojshme me ndryshua në bazë të ligjit. Kontratat janë të lidhura me komunën, kryesisht me DSHP, po edhe me drejtorit tjera, po DSHP, i mbulon të gjitha çështjet. Raporti vjetor është një përmbledhje e përgjithshme e punëve të kompanisë. Mbetet në kompetencë të bordit të drejtorëve që ti auditoj pasqyrat financiare për vitin 2024 dhe ka qenë kërkesë e vazhdueshme e aksionarëve dhe i rekomandoj që ti auditoj pasqyrat financiare. Sa i përket çështjeve tjera biznes plani është një dokument strategjik i cili parashihet në ligjin për ndërmarrje publike i cili duhet të hartohet dhe kompania publike janë të obliguar të veprojnë në zbatim të këtij plani të biznesit. Sa i përket kushteve minimale për punë, është e vërtetë që ndërmarrja gjatë vitit 2021-2022 ka qenë në fillim të themelimit dhe ka pas probleme, sot ndërmarrja e ka objektin dhe kushtet e punës për gjithë punëtorët, janë jashtëzakonisht të rregulluara. Një falënderim të veçantë dua me bë për anëtarët e bordit që i ka kaluar mandati këto ditë, dhe dua të shprehi respektin me të madh për një punë profesionale që e kanë bë gjatë këtyre tri viteve.

Kryesuesja; Dikush tjetër, nëse nuk ka, konstatojmë me (16) vota për, (8) kundër dhe (0) abstënim për krahet Raport i Ndërmarrjes Komonale NPL, "Eko Natyra" SH.A. Skenderaj, për vitin 2023.

Vazhdojmë me piken 9 të rendit të ditës

-Propozimi-vendimi, Për shpalljen "Qytetar Nderi" të Komunës së Skenderajt z. Benito Mares, Nr.02-170/02-0029548/24, të datës 27.06.2024, (Raporton);

Kryetari i Komunës, Fadil Nura; Propozimi-vendimi për shpalljen "Qytetar Nderi" të Komunës së Skenderajt z. Benito Mares. Titulli "Qytetar Nderi" për z. Benito Mares, jepet në shenjë respekti dhe mirënjohje për meritat në ideimin dhe financimin e ndërtimit të Kompleksit të Dëshmorëve të UÇK-së në Marinë të Skenderajt, mbështetjen e vazhdueshme për Komunën e Skenderajt si dhe meritat në promovimin e vlerave të luftës së UÇK-së. Titulli "Qytetar Nderi" të Komunës së Skenderajt z. Benito Mares, do ti ndahet në seancën solemne, që do të mbahet në seancën e radhës të Kuvendit.

Kryesuesja; E hap debatin, nëse nuk ka, konstatojmë me (25) vota për, (0) kundër dhe (0) abstënim miratohet Propozimi-vendimi, Për shpalljen "Qytetar Nderi" të Komunës së Skenderajt z. Benito Mares.

Vazhdojmë me piken 10 të rendit të ditës

-Propozim-vendimi për rishpalljen e pronës, Pronë me Interes Publik, me Nr.02-463/01-0029523/24, te dt.27.06.2024, (Raporton);

Drejtoresha e DGJKP-ës, Blerta Dobra-Geci; Fjala përshëndetëse, propozim-vendimi, për rishpalljen e pronës, Pronë me Interes Publik. Sipas këtij propozim vendimi, rishpalljen e pronës, Pronë me Interes Publik, si në vijim; Prona e paluajtshme që udhëhiqet në emër të "OPB Produkt" ngastra Nr.219-1, me sipërfaqe të përgjithshëm prej 00.88.48 ha, tokë ndërtimore vend i quajtur BUCINA-KOD SHKOLE, Zona Kadastrale Çirez, Komuna e Skenderaj, e evidentuar me certifikatën e pronësisë. Rishpallja e pronës, Pronë me Interes Publik, bëhet për arritjen e qëllimit

të ligjshëm Publik realizimin e projektit me interes të përgjithshëm publik “Ndërtimi i subqendres në Çirez” në fshatin Çirez komuna e Skenderajt. Rishpallja bëhet për shkak të gabimeve teknike në numër të parcelave në vendimin e kuvendit Nr. 01-463/01-0042564/20. Kush ka pyetje jam këtu për përgjigje.

Kryesuesja; E hap debatin, nëse nuk ka, konstatojmë me (16) vota për, (3) kundër dhe (1) abstenim miratohet Propozim-vendimi për rishpalljen e pronës, Pronë me Interes Publik.

Vazhdojmë me piken 12 të rendit të ditës:

-Pyetjet e këshilltarëve nën piken të ndryshme, Abdulla Gashi, i ka marr përgjigjet përmes emali nga drejtori i arsimit, ndërsa Liridona Koci i ka marr përgjigjet gjatë mbledhjes së seancës, me kaq mbyllet ky takimi, shihemi në mbledhjen tjetër.

Procesmbajtësi

